


Hour of code – Sat kodiranja

Učenici elektrotehničke škole i ove godine su obilježili Sat kodiranja tako što su imali priliku na jednom školskom času približiti se svijetu programiranja na jedan zabavan način kodiranjem i programiranjem igrica. U periodu od 6.do 12. ovog mjeseca učenici su mogli programirati samostalno svoje igrice na jedan maštovit način.

Sat kodiranja je edukativna akcija namijenjena sticanju prvih programerskih iskustava s ciljem motivisanja učenika da razmotre karijeru u programiranju i IT sektoru. Inače, decembar je mjesec u kojem se obilježava ovaj događaj jer je tada rođena Grace Murray Hopper, pionirka informatike koja je zaslužna za popularizaciju izraza bug i razvoja programerskog jezika COBOL.

Pored obilježavanja Sata kodiranja učenici su uzeli učešće u takmičenju ITvizija koje je još uvijek u toku. Našim učenicima želimo puno sreće i dobre rezultate i u ovom takmičenju.



Dabar informatičar

U periodu od 6.do 18.decembra učenici naše škole su učestvovali u izazovu međunarodnog karaktera pod nazivom "Dabar informatičar". U izazovu je učestvovalo ukupno 105 učenika iz četiri odjeljenja elektrotehničke škole.

Glavni cilj izazova je promocija informatike i otkrivanje novih talenata, a koliko su naši učenici bili uspješni ostaje da saznamo po dostavljanju rezultata izazova.

